

Publicaziun FUS per ils 05 da matg 2017

Damonda da baghegiar nr. 20/17

Datum da publicaziun: ils 05 da matg 2017

Proprietaris: Reto + Heidi Cavegn
Via Cuort 8
7165 Breil/Brigels

Object: Engrondiment parcadi, parcella 880, Cuort, Breil

La damonda da baghegiar ei exponida sin canzlia communal. L'investa publica cuoza 20 dis dapi il datum da publicaziun.

Eventualas protestas encunter presenta damonda da baghegiar ein d'inoltrar alla suprastonza communal enteifer 20 dis dapi il datum da publicaziun.

Suprastonza communal Breil

Damonda da baghegiar nr. 21/17

Datum da publicaziun: ils 05 da matg 2017

Proprietaris: A. Bianchi AG
Ober Misanenga 32
7134 Obersaxen

Object: Sanaziun dil mir da sustegn + parcadis novs, parcella 3378, Mutteins, Tavanasa

La damonda da baghegiar ei exponida sin canzlia communal. L'investa publica cuoza 20 dis dapi il datum da publicaziun.

Eventualas protestas encunter presenta damonda da baghegiar ein d'inoltrar alla suprastonza communal enteifer 20 dis dapi il datum da publicaziun.

Suprastonza communal Breil

Damonda da baghegiar nr. 23/17

Datum da publicaziun: ils 05 da matg 2017

Proprietaris: Fundaziun Pervenda
7163 Danis

Object: Tschentar si in gagliner, parcella 3076, Plaun, Danis

La damonda da baghegiar ei exponida sin canzlia communal. Ils profils ein tschentai. L'investa publica cuoza 20 dis dapi il datum da publicaziun.

Eventualas protestas encunter presenta damonda da baghegiar ein d'inoltrar alla suprastonza communal enteifer 20 dis dapi il datum da publicaziun.

Suprastonza communal Breil

Damonda da baghegiar nr. 24/17

Datum da publicaziun: ils 05 da matg 2017

Proprietaris: Harald + Erika Pitsch
Libellenstrasse 51
9403 Goldach

Object: Remisa d'uaffens, parcella 3156, Tavanasa

La damonda da baghegiar ei exponida sin canzlia communal. Ils profils ein tschentai. L'investa publica cuoza 20 dis dapi il datum da publicaziun.

Eventualas protestas encunter presenta damonda da baghegiar ein d'inoltrar alla suprastonza communal enteifer 20 dis dapi il datum da publicaziun.

Suprastonza communal Breil

Votaziun federala dils 21 da matg 2017

Program da votaziun

Votaziun scaffa da brevs canzlia:

La scaffa da brevs ei buca in'urna!!

Tgi che metta igl uorden da votar ella scaffa da brevs dalla canzlia votescha a scret!

Ils cedels da votar ston esser ella cuviarta da votar (grischa) e lezza sto esser ensemen cul "Stimmrechtsausweis" ella cuviarta alva serrada.

Cedels che vegnan mess mo aschia en scaffa da brevs vegnan buca acceptai!!

Votaziun federala: 1. Lescha d'energia (LEn)

Temps da votar:

Breil-vitg:

Canzlia communal: **Venderdis, ils 19 da matg 2017**
allas 10.00 – 12.00 uras
allas 14.00 – 17.00 uras

Dumengia, ils 21 da matg 2017
allas 09.30 – 11.00 uras

Dardin:

Caprè: **Dumengia, ils 21 da matg 2017**
avon il survetsch divin allas 09.15 – 09.30 uras

Danis-Tavanasa:

Plazza dalla staziun: **Dumengia, ils 21 da matg 2017**
allas 10.00 - 10.15 uras

Plazza Cadruvi: **Dumengia, ils 21 da matg 2017**
avon il survetsch divin allas 10.30 - 10.45 uras

Persunas che han buca obteniu il material da votaziun san s'annunziar tier l'administraziun communal entochen sil pli tard **venderdis, ils 19 da matg 2017**.

Votaziun per corrispondenza

Tenor la lescha davart il diever dils dretgs politics ha scadin il dretg da far diever dalla votaziun per corrispondenza. Sur dallas prescripziuns partenent la votaziun a scret havein nus informau ils votants. Nus stuein denton constattar ch'ei vegn aunc adina buca ademplier las cundiziuns e seteniu vid las prescripziuns. **Tals che setegnan buca vid las prescripziuns votan nunvaleivel.** Ord quei motiv fagein nus attents sin treis impurtontas prescripziuns:

- **Votants che van all'urna astgan metter mo ils agens cedels da votar ell'urna.**
- **Mintga cuviarta astga cuntener soli ils cedels dad in(a) votant(a)!**
- **La carta da legitimaziun per tals che fan diever dalla votaziun per corrispondenza sto vegnir suttascretta!**

Nus supplichein da prender enconuschientscha.

Administraziun communal Breil

Dumbraziun dallas habitaziuns vitas pigl 01-06-2017

Igl uffeci federal da statistica meina pigl 01-06-2017 atras ina dumbraziun dallas habitaziuns vitas. Possessurs da casas ni administraziuns d'immobillas, che han pigl 01-06-2017 habitaziuns ni casas d'ina famiglia vitas vegnan supplicai da comunicar quei per telefon (081 941 11 55) ni a scret alla canzlia communal entochen **sil pli tard ils 06-06-2017**.

Sco habitaziuns vitas el senn da quella dumbraziun vegnan tut las habitaziuns mobiliadas ni buca mobiliadas quintadas, las qualas adempleschan las suandontas duas cundiziuns:

- habitaziuns ni casas d'ina famiglia, ch'ein il di da controlla (01-06-2017) vitas denton habitablas e
- ch'ein il di da controlla (01-06-2017) screttas ora per schar a tscheins permanent per minimal 3 meins ni venalas.

Nus engraziein per la cooperaziun.

Administraziun communal Breil

Rapport dalla seduta dil cussegl da vischnaunca dils 24 d'avrel 2017

A caschun dalla sura numnada seduta ha il cussegl da vischnaunca priu differentas decisiuns.

1. Approbaziun dil protocol dalla seduta dil cussegl dils 14 da november 2016

Il protocol ei vegnius tarmess allas cusseglieras ed a tuts cussegliers. Il president dil cussegl suttametta el alla discussiun. Da tala vegn buca fatg diever. Cun tscharna unanima vegn il protocol approbaus.

2. Presentaziun rapport annual 2016

Il rapport annual ei vegnius tarmess ensemen cun l'invitaziun a tuts commembers dil cussegl, aschia che tuts han giu la pusseivladad da studegiar tal. Il president communal, Clau Schlosser, menziunescha ultra da quei entgins fatgs.

Il cussegl ha enviars il rapport neginas objecziuns ed era neginas propostas per midadas.

Cun tscharna unanima approbescha il cussegl il rapport annual 2016.

3. Presentaziun quen administrativ, quen d'investiziun e bilanza 2016

Il quen administrativ, il quen d'investiziuns, la bilanza sco era il quen dalla meglieraziun Breil-vitg han tuts commembers dil cussegl obteniu ensemen cun l'invitaziun. Las cusseglieras e mintga cusseglier ha consequentamein giu la pusseivladad da prender enconuschientscha dils documents.

Clau Schlosser repassa il quen e menziunescha las differentas posiziuns e las midadas enviars il preventiv sco era dil davos quen.

Las cusseglieras ed ils cussegliers fan neginas objecziuns. Sin las damondas tschentadas, sa vegnir dau ristposta.

4. Rapport da revisiun ed approvaziun dil quen annual 2016

Daniel Carigiet, commember dalla cumissiun da gestiun, rapporta sur dalla revisiun prida avon e menziunescha che la cumissiun seigi fetg satisfatga dalla buna lavur dalla suprastonza communal e dall'administraziun. Il quen seigi vegnius presentaus al cussegl en tut ils detagls, aschia che la cumissiun stoppi buca commentar tal. Ins hagi controllau tut las spartas dil menaschi da vischnaunca e saviu constatar che la contabilitad ei menada conform ils principis mercantils. En cass da damondas hagi la cumissiun survegniu in detagliu e clar sclariment.

La cumissiun propona d'approbar il quen e da dar scarica alla suprastonza sco era a tuts emploiai. Daniel Carigiet engrazia alla suprastonza, all'administraziun, als emploiai ed a tuts funcziunaris per la buna lavur prestada el decuors digl onn vargau.

Las cusseglieras ed ils cussegliers fan negin diever dalla discussiun. Per consequenza vegn il quen annual per 2016 sutmess alla votaziun. Cun tscharna unanima approbescha il cussegl il quen cun dar scarica a tuts funcziunaris.

Il quen vegn repartius a tut las casadas. Convischinas e convischins ch'ei buca cuntents cun l'approvaziun dil quen ni cul quen sco tal, san far diever dil referendum facultativ enteifer il termin limitau.

5. Damonda da credit per la sanaziun dalla cuschina da scola a Danis (frs. 35'000.00)

Selda Cavegn informescha il cussegl sur dalla necessitad dalla sanaziun dalla cuschina da scola a Danis. Las apparatusas ein vegni els onns e per saver garantir vinavon ina buna infrastruttura en scola ei quella investiziun da gronda impurtonza.

Sin las damonda tschentadas sa vegnir dau risposta. Cun tscharna unanima decida il cussegl da conceder il credit da frs. 35'000.00 per la sanaziun dalla cuschina da scola a Danis.

6. Damonda da credit belag fin via Cadruvi sut (frs. 95'000.00)

Clau Schlosser informescha il cussegl sur dalla sanaziun dalla via Cadruvi sut. El menziunescha en spezial ch'ei fetschi senn da far ussa quei belag fin. Per en in per onns stuess l'entira via vegnir sanada e quei in bionton pli car.

Sin las damondas tschentadas sa vegnir dau risposta. Cun tscharna unanima decida il cussegl da conceder il credit da frs. 95'000.00 per il belag fin sin la via Cadruvi sut.

7. Damonda da credit sanaziun via Tschuppina (frs. 166'000.00)

Clau Schlosser informescha il cussegl sur dalla sanziun dalla via Tschuppina e naven da nua che quella via vegn sanada. Cun metter en la lingia da callira il davos onn ei curdau si, ch'in tschancun da ca. 90 m ei en in fetg schliet stan. Sin quei toc sto la via vegnir sanada cumplettamein.

Sin las damondas tschentadas sa vegnir dau risposta. Cun tscharna unanima decida il cussegl da conceder il credit da frs. 166'000.00 per la sanaziun dalla via Tschuppina.

8. Damonda da credit sanaziun passapei Danis (frs. 75'000.00)

Clau Schlosser informescha il cussegl sur dalla sanaziun dil passapei a Danis. Quei passapei vegn sanaus en connex cun la sanaziun dalla via cantunal e divers conducts. (aua, energia e telefon).

Sin las damondas tschentadas sa vegnir dau risposta. Cun tscherna unanima decida il cussegl da conceder il credit da frs. 95'000.00 per quella sanaziun.

9. Varia

Clau Schlosser informescha il cussegl sur dil passadi Mutteins – Danis. Tenor nova calculaziun da cuosts e nova ruta custass quei passadi ca. frs. 200'000.00. La suprastonza ei denton buca prompta dad investir tons daners en quei passadi. Tenor scriver dils iniziants ein els ord quels motivs prompts, da seretrer da lur moziun che pretenda la construcziun dad in tal passadi. La vischnaunca vegn a procurar ch'il trutg existent vegn mantenius e fatgs accessibels per la stad.

Il president dil cussegl, Maurus Tomaschett engrazia alla suprastonza ed a tut ils involvai per la buna lavur e per il bien quitaun dallas finanzas da vischnaunca el davos onn. El engrazia per la presenza e la buna collaboraziun e siara la seduta dallas 22.10 uras.

Breil, ils 25 d'avrel 2017

Suprastonza communal Breil

Radunonza communal dils 19-05-2017

Preziadas convischinas, preziai convischins

La suprastonza communal envida tuttas convischinas e tuts convischins alla proxima radunonza communal che ha liug **venderdis, ils 19-05-2017 allas 20.15 uras en l'aula dalla casa da scola a Breil-vitg.**

Tractandas:

1. Beinvegni ed approvaziun dil protocol dalla radunonza dils 25 da november 2016
2. Presentaziun e discussiun contract da fusiun Breil/Vuorz/Andiast
3. Varia

Il protocol dalla davosa radunonza communal ei exponius sin canzlia communal. Ultra da quei eis ei era pusseivel da leger tal sin nossa pagina da casa www.breil.ch.

Astgein nus supplicar nossas prezias convischinas e nos preziai convischins da resarvar quella sera per nossa radunonza communal.

Suprastonza communal Breil

Il president: Clau Schlosser

Igl actuar : Curdin Cadonau